

## Universitätsbibliothek Paderborn

### **Historiae Ecclesiasticae Pars ...**

Historiae Ecclesiasticae Pars Tertia, Qva Continentvr Hermiae Sozomeni  
Salaminij lib. 9. Euagrij Scholastici Epiphanensis lib. 6

**Christopherson, John**

**[Köln], 1569**

Quòd diuus Ignatius à Theososio Roma translatus, Antiochiæ sepultus est.  
Caput XVI.

**urn:nbn:de:hbz:466:1-12718**

tia nihil pateretur in eo desyderari. Quæspes illos minime frustrata est. Nam qualis & quam eximius vir euaserit, argumento sunt, tum epistolæ ab eo post sacerdotij susceptionem eleganter & ornatè compositæ: tum liber ille, quem dedicauit Theodosio, tum alia præclaræ illius, quæ extant lucubrationes.

*Quod diuus Ignatius à Theodosio Roma translatus, Antiochia sepultus est.*

*Caput XVI.*

**M**aiora robustioraque Ignatij viri plane diuini ossa à bestijs relicta (quæ, sicut tum à Ioanne rhetore, tum ab alijs memoriae proditū est, posteaquam sanctus martyr bestiarum ventres, vt ei erat in optatis, sepulchri loco in amphitheatro Romano cōsecutus fuerat, Antiochiam deportata fuerunt) regnante etiam Theodosio, quod fuit longo tépore post eius martyriū, in cemiterium translata sunt: quippe Deus Opt. Max. animū Theodosij impulit, vt diuinum illum martyre maioribus afficeret honoribus, & templum iam olim dēmonibus dedicatū (quod indigenæ templum Fortunæ nuncupant) Ignatio victori & martyri consecraret. Itaque quod olim Fortunæ dicatum fuit, iam sacrum sahctuariū, & templū augustum ad Ignatij memoriam celebrandā factum est: cuius martyris sacræ reliquiæ curru cum solemni pópa per ciuitatem portatae, & in templo repositæ fuerunt. Qua de causa festum celebre, & latitia communis ad nostrā usque æratem peragitur: quod quidem festum à Gregorio Pótifice multò maiore magnificientia illustratum est. Ista propterea in eo loco facta furerunt, quod Deus sacras sanctorum suorum memorias ibi coli honorariq; voluit. Nam sceletus ille & impius tyranus Julianus, quoniam Apollo (qui in Daphne coli solet, quiq; vocem & vim vaticinandi ex fonte, qui Castalia dicitur, hausit) ei tum imperium gerenti, sciscitantiq; illius oraculū, responsum dare nō poterat (Sanctus nāque Babylonis, cuius corpus in proximo conditū fuit, ei os obturauerat) Julianus, inquam, licet inuitus, & quasi plagis ad eā rē compulsus, sanctum Babylæ corpus honorificè ex eo loco transtulit, tēplumq; amplissimum, quod adhuc integrum

Ff;

manet

EVAGRII HISTORIAE

manet, ante portas urbis Antiochiae extruxit: hocque egit  
ad eum plane finem, ut dæmones in posterum sua liberè  
obirent negocia, quemadmodum se facturos ante Julianum,  
ut fertur, polliciti fuissent. Verum istud certe dei serua-  
toris prouidentia administratum fuit, cum ut virtus, quæ  
insit martyribus, omnibus pateat, tum ut sacrae huius san-  
cti martyris reliquiae in locum transferrentur sacram, &  
templi præclarissimi honore decorarentur.

De Attila rege Scitharum, & quomodo partes  
orientales, tum occidentales depopulatus sit, &  
de inaudito terrimotu, alijsq[ue] terrilibus quo-  
ri incumbebant signis. Cap. XVII.

**T**Emporibus eisdem bellum, quod multorum sermo-  
ne celebratur, ab Attila Scytharum rege excitatum fuit:  
de quo accuratissime & disertissimeque cū magno ver-  
borum apparatu scribit Priscus rhetor: ostenditque & quo-  
modo partes tum Orientem tum Occidentem versus inu-  
serit, & quas ac quā multas vibes subegerit, & quibus  
denique rebus gestis nobilitatus, ex hac luce migrauerit.  
Porro aut̄ eodem Theodosio imperiū gubernante, maximus  
maximeq[ue] memorabilis terræmotus, qui sua magnitudine  
omnes terræmotus, qui ante extitissent, omnino obscun-  
uit, orbē terrarum occupauit, prope dixerim vniuersum: si  
vt multæ turres in palatio ad terrā ruerent, murus Cher-  
rhonesi, qui longus dicitur, concideret, dehisceret, &  
& multos pagos deglutiret, multæ atque adeo innume-  
rables terra marique grassarentur calamitates, nonnulli  
fontes exiccarentur, alibi aquæ, vbi nullæ antè fu-  
sent inundarent, arbores ingentes extirparentur radi-  
citus, plurimæ terræ moles ita coaceruarentur, vt montes  
efficeret, mare pisces ejiceret mortuos, multæ in eo submer-  
gerentur insulæ, nauigia per mare tranantia, vndis retroce-  
dentibus, in arido consistere cernerentur, multa denique  
loca Bithynia, Helleponi, & utriusque Phrygiae graui-  
bus afficerentur incommodis. Hæc clades terram multū  
diuque oppressit: non tamen tam grauis esse pergebat, vi-  
cep[erat],